

宋

會

要

舊城

全唐文

宋會要

東京志內

東京唐之汴州梁建為東都後唐罷之晉復為東京國  
朝因其名舊城周四十二里一百五十五步即唐汴州  
城建中初節度使李勉築國朝以來號曰闕城亦曰裏  
城南三門中曰朱雀梁曰高明晉曰薰風太平興國四  
年九月改東曰保康大中祥符五年賜名西曰崇明周  
曰興禮太平興國四年九月改東二門南曰麗景梁曰  
觀化晉曰仁和太平興國四年九月改北曰望春梁曰  
建陽晉曰迎初國初曰和政太平興國四年九月改西  
二門南曰宜秋梁曰開明晉曰金義太平興國四年九

新城

卷之六十六

月改北曰閭闔梁曰乾象晉曰乾明國初曰千秋太平  
興國四年九月改北三門中曰景龍梁曰興和晉曰元  
化太平興國四年改東曰安遠梁曰含輝晉曰宣陽太  
平興國四年九月改西曰天波梁曰大安太平興國四  
年九月改新城周回四十八里二百三十三步周顯德  
三年令彰信節度韓通董役興築國朝以來號曰國城  
亦曰外城又曰羅城南五門中曰南薰周曰景風太平  
興國四年九月改次東曰普濟惠民河水門太平興國  
四年九月賜名次東曰宣化周曰朱明太平興國四年  
九月改次西曰廣利惠民河水門太平興國四年九月  
賜名次西曰安上周曰畏景太平興國四年九月改東

五門南曰上善汴河東水門太平興國四年九月賜名  
次北曰通津汴河東水門太平興國四年九月賜名通  
津天聖初改廣津後復今名次北曰朝陽周曰延春太  
平興國四年九月改次北曰含輝周曰含輝太平興國  
四年九月改寅賓後復今名次北曰善利廣濟河水門  
太平興國四年九月賜名咸通天聖初改西六門南曰  
順天周曰迎秋太平興國四年九月改次北曰大通汴  
河南水門太平興國四年九月賜名大通天聖初改順  
濟後復今名次北曰宣澤汴河北門熙寧十年賜名次  
北曰開遠太平興國四年賜名通遠天聖初改次北曰  
金耀周曰肅政太平興國四年九月改次北曰咸豐廣

大內

濟河西水門太平興國四年九月賜名北五門中曰通天周曰玄德太平興國四年九月改曰通天聖初改寧德後復今名次東曰景陽周曰長景太平興國四年九月賜名次東曰永泰周曰愛景太平興國四年九月改次西曰安肅國初號衛州門太平興國四年九月賜名次西曰永順廣濟河南水門熙寧十年賜名大內據闕城之西北宮城周回五里即唐宣武軍節度使治所梁以為建昌宮後唐復為宣武軍治晉為大寧宮國朝建隆三年五月詔廣城命有司畫洛陽宮殿按圖以修之南三門中曰宣德梁初曰建國後改咸安晉初曰顯德又改明德太平興國三年七月改丹鳳九年七月改

乾元大中祥符八年六月改正陽景祐元年正月改今  
名東曰左掖西曰右掖乾德六年正月賜名東一門曰  
東華梁曰寬仁開寶四年改西一門曰西華梁曰神獸  
開寶四年改北一門曰拱宸梁曰厚載後改玄武大中  
祥符五年十一月改宣德門內正南門曰大慶梁曰元  
化國朝常隨正殿名改東西橫門曰左右昇龍乾德六  
年正月賜名正殿曰大慶梁曰崇元乾德四年重修改  
乾元太平興國九年五月殿災改朝元大中祥符八年  
四月殿災六月改天安景祐元年正月改今名殿九間  
挾各五間東西廊各六十間有龍墀沙墀正至朝會冊  
尊號御此殿饗明堂恭謝天地即此殿行禮郊祀齋宿

殿之後閣東西兩廊門曰左右大和梁曰金烏玉兔國  
初改日華月華大中祥符八年六月改今名右昇龍西  
北偏曰端禮門凡三門各列戟二十四枝熙寧十年八  
月賜名門內廟堂次北文德殿門次文德殿後唐曰端  
明國初改文明太平興國九年五月殿災改今名即正  
衙殿太祖時元朔亦御此殿其後常陳八閤儀如大慶  
殿饗明堂恭謝天地即齋於殿之後閣熙寧以後月朔  
視朝御此殿殿東西兩廊門曰左右嘉福舊名左右勤  
政明道元年十月改殿庭東南隅有鼓樓其下漏室西  
南隅鐘殿兩挾有東上西上閤門左右掖門內正南門  
曰左右長慶乾德六年正月賜名次北門曰左右嘉肅

熙寧十年八月賜名次北門曰左右銀臺大慶殿後東西道其北門曰宣祐舊曰天光大中祥符八年六月改大寧明道元年十月改今名門西紫宸殿門殿門皆兩重名隨殿易其中隔門遇雨雪羣臣朝其上紫宸殿舊名崇德明道元年十月改即視朝之前殿每誕節稱觴及朔望御此殿次西垂拱殿門門有柱廊接文德殿後其東北角門子通紫宸殿每日樞密使以下立班殿庭候傳宣不座即遇赴垂拱殿起居每門內東西廊設二府親王三司開封府學士至待制正刺史以上候班幕次垂拱殿舊曰長春明道元年十月改勤政十一月改今名即常日視朝之所節度使及契丹使辭見亦宴此



殿其後福寧殿國初曰萬歲大中祥符七年改誕慶明  
道元年十月改今名殿即正寢殿東西門曰左右昭慶  
大中祥符七年賜名次後柔儀殿國初但名萬歲後殿  
章獻明肅皇太后居之乃名崇徽明道元年十月改寶  
慈景祐二年改今名次後欽明殿舊曰天和明道元年  
十月改觀文後改清居治平三年六月改今名其西睿  
思殿福寧殿東慶壽宮慶壽萃德二殿太皇太后所居  
福寧殿西寶慈宮寶慈如徽二殿皇太后所居福寧殿  
後坤寧殿皇后所居凡禁中殿閣有嘉慶殿咸平初明  
德太后居此殿後徙萬安宮觀文殿舊曰延恩大中祥  
符元年以聖祖降此殿因繕完改曰真遊奉道像後改

集聖明道二年十一月改葺為內外命婦容殿名肅儀  
慶厯八年五月改今名延真門大中祥符七年賜真遊  
殿西門曰延真積慶殿感真閣大中祥符七年賜真遊  
殿真君殿曰積慶前又建感真閣福聖殿明道中奉真  
宗御容于此壽寧堂明道中奉太祖御容于此慶雲殿  
玉京殿清景殿西涼殿景祐二年重修在天章閣東慈  
德殿章惠太后所居初係嘉慶殿景初四年改今名景  
寧殿治平二年正月誠內中神御殿賜名景寧垂拱殿  
門次西皇儀殿門皇儀殿舊曰明德亦曰滋德開寶四  
改滋福咸平三年明德太后居之號萬安宮萬安殿太  
中祥符七年復為殿標舊額明道元年十月改今名次

西集英殿門集英殿舊曰玄德亦曰廣政開寶二年改  
大明淳化元年正月改含光大中祥符八年六月改會  
慶明道元年十月改元和尋改今名每春秋誕聖節錫  
宴此殿熙寧以後親策進士于此殿後有需雲殿舊曰  
玉華後改瓊英熙寧初改今名東有昇平樓舊曰紫雲  
明道元年十月改今名宮中觀宴之所次西安樂門門  
外西北景暉門天禧五年三月賜名其東含和門熙寧  
十年八月賜名門內有橫廊廊北龍圖閣大中祥符初  
建以奉太宗御集御書閣東序資政崇和二殿西序宣  
德述古二殿又列六閣曰經典曰史傳曰子書曰文集  
曰天文曰圖畫其北天章閣天禧五年三月建以奉真

宗御集御書閣東西序群玉藥珠二殿次北寶文閣舊  
曰壽昌慶厯初改今名以奉仁宗御筆御書閣東西序  
嘉德延康二殿殿間以桃花文石為流盃之所東華門  
內次西左承天祥符門乾德六年正月賜名左承天大  
中祥符元年正月天書降其上詔加其名而增葺之次  
西北廊元符觀大中祥符七年以皇城司廨舍為觀奉  
天書道場後罷之復併入皇城司直北東向有諺門舊  
無榜熙寧十年始標額門內南廊慶寧宮英宗為皇子  
所居治平二年賜名西華門內次西右承天門乾德六  
年正月賜名南北夾道北延福宮穆清靈廟性智三殿  
靈顧以奉真聖容宮中又有奉宸五庫次北廣聖宮天

天聖二年建長寧宮以奉三清玉皇道像後安真宗御容於宮之降真閣景祐二年改今名宣祐門內東廊次北資善堂大中祥符九年二月建資善堂於元符觀南為仁宗就學之所天禧四年徙於此講筵所舊曰說書所寓資善堂慶厯初改今名次北引見門次北通極門熙寧十年八月賜名次北臨華門熙寧十年八月賜名西廊次北內東門有柱廊與御厨相直門內有小殿即召學士之所次北崇政殿門崇政殿舊曰簡賢講武太平興國八年改大中祥符七年始建額即閱事之所殿東西延義邇英二閣侍臣講讀之所閣後隆儒殿皇祐三年十月賜名崇政殿後有柱廊側座殿次北景福殿

前有水閣舊試貢舉人考官設次於兩廊殿南延和殿  
大中祥符七年建賜名承明章獻太后垂簾參決朝政  
於此明道元年十月改明良尋改端明景祐元年改今  
名殿北向俗呼倒座殿殿西北迎陽門大中祥符七年  
建賜名宣和明道元年十月改開曜十一月改今名俗  
號苑東門召近臣入苑由此門門內後苑苑有大清樓  
樓貯四庫書走馬樓延春閣舊曰萬春寶元中改鳳儀  
翔鸞二閣景祐中有瑞竹生閣首宜聖殿奉祖宗聖容  
嘉瑞殿舊曰崇聖後改今名宣明殿安福殿寶跋殿化  
城殿舊曰玉宸明道元年改四方貢珍果常貯此殿金  
華殿大中祥符中常宴輔臣清心殿真宗奉道之所流

西京之內

杯殿唐明皇書山水字於右天聖初自長安輦入苑中  
構殿為流杯嘗令侍臣館閣官賦詩清輝殿親稼殿景  
祐二年建賜名華景亭翠芳亭景祐中橙實亭前命近  
臣觀瑤津亭象瀛山池以上國朝會要西京唐曰洛州  
後為東都河南府尋改為京梁為西都晉復為西京國  
朝因之京城周回五十二里南三門中曰定鼎東曰長  
夏西曰厚載東三門中曰羅門南曰建春北曰上東北  
二門東曰安喜西曰徽安城內一百二十坊明教宜人  
淳化安業修文尚善樂和正平修行崇業旌善尚賢敦  
行崇政宣範恭安勸善惠訓道術歸德康俗敦化道化  
溫柔擇善道德仁和正俗永豐修善忠順福善惠和安

大內  
宮城

衆興教宣教陶化嘉善通利樂成安遠慈惠上林遊奕  
集賢尊賢章善賢相永泰臨闕延福富教詢善銅馳崇  
讓履道履信會節綏福從善睦仁嘉猷里仁永通利仁  
歸仁懷仁仁風靜仁延慶寧人寬政淳風宣風觀德積  
善從政大同承義明義教義廣利通濟懷義淳和南里  
北里承福立德清化道光道義道政永福思恭歸義履  
順進德景行溫落北帝鄰德敦厚修義時泰時邕立行  
殖業豐財教業毓財德懋毓德審教積德賜福教善興  
藝通遠大內據京城之西北宮城周回九里三百步舊  
名紫微城南面三門正南曰五鳳樓國初建名東曰興  
教西曰光政隋唐舊名東面一門曰蒼龍隋唐曰重光



後改西面一門曰金虎隋曰寶城唐曰嘉豫後改北面  
一門曰拱宸隋唐曰玄武元武大中祥符中改今名五鳳樓  
內正南內太極殿門隋曰永泰唐曰通天乾元太平興  
國三年名太極門景德四年改今名門東西各有門唐  
初曰萬春千秋今無榜太極殿門外東西橫門曰左右  
永泰門隋曰東西華唐曰左右延福後改正殿曰太極  
殿隋曰乾陽唐初曰乾元明堂後改含元梁曰朝元後  
唐曰明堂晉曰宣德後復為明堂太平興國三年改今  
名殿前有左右龍尾道曰樓月樓東西橫門曰日華月  
華殿後有柱廊次天興殿舊曰太極後殿太平興國三  
年改今名後有殿閣其地即隋之大業唐之天章後門

北對建禮門太極殿門之西面南曰應天門唐曰敷政  
光範後改次北曰乾元門唐曰千福乾化後改次北曰  
敷政門唐曰武成宣政後改次北曰文明殿唐曰真觀  
梁曰文明殿東南隅有鼓樓西南隅有鐘樓東西橫門  
曰左右延福門殿兩挾曰東上西上閣門殿後有柱廊  
次曰垂拱殿唐曰延英太平興國三年改今名殿後通  
天門復有柱廊興教門內曰左右安禮門隋唐曰會昌  
門西北曰鑾和太平興國三年以車輅院門改今名左  
安禮門北曰左興善門唐曰左銀臺梁改其北左銀臺  
門唐曰左章善梁改光政門內西偏右安禮門隋唐曰  
景運後改次西橫門曰永福門後唐之名右安禮門北

曰右興善門唐曰右銀臺梁改蒼龍門之正西有東隔  
門次西曰膺福門唐曰含章後改次西接通天門柱廊  
金虎門之正東有西隔門次東曰千秋門唐曰金鑾後  
改次東接通天門柱廊建禮門在天興殿後南對五鳳  
樓有隔門次北拱宸門建禮門之西曰廣壽殿門門內  
廣壽殿唐曰嘉慶後唐改殿後隔舍即內東門道其北  
明德殿太平興國三年改廣壽第二殿曰明德第三殿  
曰天和第四殿曰崇徽其次天和殿其次崇徽廣壽殿  
門之西曰明福門其次北廊接通天門南對文明殿明  
福門內曰天福殿門門內天福殿唐曰崇勳後唐曰中  
興晉改今名其次太清樓後唐曰絳霄太平興國三年

改寢殿曰太清第二殿曰思政第三殿曰延春其次思政殿其次延春殿其次面北曰武德殿後唐曰解御又曰端明太平興國三年改今名明福門之西曰金鑾殿唐曰太極又名思政梁改今名其次壽昌殿梁曰雍和太平興國三年改金鑾第二殿曰壽昌第三殿曰玉華第四殿曰長壽第五殿曰甘露第六殿曰乾陽第七殿曰嘉興其次玉華殿其次甘露殿其次長壽殿其次乾陽殿其次嘉興殿金鑾殿門之西曰含光殿門內含光殿宴殿也其南廊有裝戲院殿東廊後有紫雲樓宮中觀宴之所樓前射弓小殿含光殿後洗澤宮一位建禮門北之東廊曰內東門其北即北隔門門南之西廊

# 皇城

曰保寧門門西有隔門門內面南有講武殿唐曰文思毬場梁以行從殿為興安殿毬場後改今名殿後有柱廊有後殿名無隔門相對西隔門門西淑景亭又有隔門以西入後苑內有長春殿後唐建石殿有柱廊後殿以西即十字池亭其南砌臺水井婆羅亭貯奇石處世傳是李德裕醒酒石以水沃之有林木自然之狀謂之婆羅石故以名亭前有几河池一名九曲池其南有內園門左含光殿門之西東宮在蒼龍門之西興左銀臺門相對其門在東池門之內宮後東池門內有飛龍院西有散甲殿梁改弓箭庫殿為宣威後改今名殿後柱廊有後殿其北相對有夾道門在拱宸門內皇城隋曰太

微城亦號南城宮城之外夾城南面三門中曰端門北對五鳳樓南對定鼎門東曰左掖西曰右掖東面二門南曰賓耀隋曰東太陽唐曰東明後改北曰啟明西對宮城之蒼龍門西面三門南曰金耀隋曰西太陽後改北曰乾通東對宮城之金虎門西面外挾城又二門南曰麗景東對金耀門北曰開化東對乾通門北面一門曰應福五代以來曰甲馬門蓋諸班宿直其內次北右軍一門在光政門之西門內皆班院及御園東城宮東之外城也隋築東面一門曰宣仁東對上東門南面一門曰承福今為洛陽監前門北面一門曰含嘉今不復有門構以上國朝會要東京雜錄太祖建隆三年正月

五月有司案西

十五日發開封浚儀縣民數千廣皇城之東北隅

命義京宮室

成軍節度使韓重贇督役四年五月十四日詔重修大

城

內以鐵騎都將李懷義內班都知趙仁遂護其役二十

四日明德門成先是同州節度使張美來進材木及成

命翰林學士承旨陶穀撰碑乾德三年四月十三日暮

諸軍子弟導五夫河水通皇城為池四年二月七日帝

親視皇城版築之役十一日修崇元殿帝召近臣及侍

衛軍校觀上梁各賜金錢酒食役工錢帛有差左右街

僧道商賈並於殿前以金錢果食自新殿上散擲恣令

爭之六年正月十日發近甸丁夫增治京城命馬步副

軍頭王廷又護其役太宗雍熙二年九月十七日以楚

開寶九年正月甲午發近甸丁夫增修京城

王宮大欲廣宮城思動天居詔殿前都指揮使劉延翰等經度之  
畫圖來上帝曰思動天居內城福隘誠合開展拆動居人朕又不  
忍令罷之但遷出在內三數司而巳至道元年十一月  
二十五日詔改京城內外坊名舊城內左第一廂二十  
坊曰太平義和安業通利寶積宣平興寧觀德明德嘉  
善崇德景寧惠政興禮龍華信陵昭德福善延和通濟  
第二廂十六坊曰光德宜春樂甘泉崇仁保和靖安昭  
慶嘉德廣福嘉平右第一廂八坊曰興宣化新昌常樂  
光化利仁樂臺郭義第二廂二坊曰金順壽昌新城內  
城內城東廂九坊曰滋德永濟清和顯仁春明汴陽崇  
善宣陽安仁城西廂二十六坊曰建隆延秋咸寧惠寧



福昌隆安慶成興化徽安延禧永豐豐安義康順成善  
利安遠宣義景福保義順政崇節通義普寧通化歸德  
敦化城南廂二十坊曰大寧崇禮廣濟敦教建寧昭化  
永通景平通惠敦化武成景耀永泰建平長慶清平光  
慶永昌敦信永安城北廂二十坊曰夷門昌樂永寧永  
平豐義崇慶安興延慶<sub>元</sub>英咸宜安定崇化保安泰寧  
嘉慶保寧永順延昭福善安化太宗以舊坊名多涉俚  
俗之言至是命美名易之唯寶積安業樂臺利仁四坊  
仍舊名真宗大中祥符元年正月十四日勾當<sub>作司</sub>  
謝德權言京城女牆圯缺水道壅塞望籍兵完<sub>修築京城</sub>葺計六  
十三萬五千六十二工從之二年三月九日開封府言

准詔以都城之外人戶軍營甚多相度合置廂虞候管轄從之仍詔勿多置人吏所由妄有搔擾又增度置廂九京東第一廂一坊曰清明第二廂一坊曰含耀第三廂一坊曰務本京南廂二坊曰安節明義京西第一廂二坊曰天苑天泉第二廂二坊曰金城開化第三廂二坊曰乾耀皋門京北第一廂二坊曰建陽嘉豫第二廂一坊曰福慶七月八日廢萬安宮復為滋福殿先是咸平初以皇太后所居滋福殿為萬安宮至是復為殿云五年七月二日詔曰重城陽位通門肇開特順民心以壯京邑仍加美號式示方來宜名新開門為保康仍名汴河舊廣濟橋為延安惠民河新橋為安國閨十月八

日翰林院學士晁迥等請改延恩殿名重加興葺及御製銘頌以彰聖祖降格之慶詔名真遊殿六年五月七日改夷門坊曰寧遠玄英坊曰瑞慶七年七月二十八日叅知政事丁謂復請御書真遊殿額從之八年四月二十四日大內火命叅知政事丁謂充大內修葺使殿前都指揮使曹燦侍衛馬軍副都指揮使張旻入內侍都知秦翰督護其役九年七月五日增築京新城天禧三年三月工畢部役使臣軍校第進一資仁宗天聖元年七月二十四日詔內殿崇班秦懷志白仲達貼築新舊城墻十年八月二十三日內庭火延燔長春崇德會慶承明殿命宰臣呂夷簡為大臣修葺使樞密副使

楊崇勳為副使殿前副都指揮使夏守贊都大管勾修葺事入內侍省押班江德明內侍省右班副都知周文應同管勾十月工畢景祐元年五月十五日入內侍省言司天監集衆定奪開拱宸門外過道稱無妨礙選定十九日申時開門從之皇祐元年八月十二日侍御史徐宗况言在京舊城修築年深乞行完葺從之嘉祐四年正月十一日修築京新舊城及興役賜兵卒緡錢八年四月十九日詔於內香藥庫之西偏建皇子位英宗治平元年十月十六日命內侍供奉官王希古貼築在京新舊城墻二年二月十一日權發遣三司戶部副使呂公著奏乞候既郊歲豐乃修慶寧宮從之三年

六月二十九日改清居殿曰欽明命直龍圖閣王廣淵書洪範一篇於屏時帝謂廣淵曰先帝臨御四十年天下承平得以無為朕方屬多事豈敢自逸故改此殿名因訪廣淵先儒論洪範得失廣淵對以張景所得最深以景論七篇進翌日復召對延和曰景所說過先儒遠矣以三德為善論朕接臣下常務謙聽納之間則自以剛斷此屏置之座右豈特無逸之戒也賜廣淵御紙筆墨黃金等以神宗熙寧初改集英殿後瓊英曰需雲二年閏十一月詔今後在內修造係宮殿門內委提舉內中修造所主領其係皇城內宮殿門外者即令提舉在內修造所施行是年作慶壽寶慈二宮四年後苑

作玉華殿七年玉華殿後作山亭一祥鸞閣一基春殿  
一八年八月二十一日詔都城久失修治熙寧初雖嘗  
設官繕完費工以數十萬計今遣人視之乃頽圯如故  
若非特選官總領其役曠日持久必不能就緒可差入  
內東頭供奉官宋用臣專切提轄修完其有合申請事  
件並令條具聞奏仍差河北京東揀中崇勝奉化七指  
揮及新廢監牧兵士五千人專隸其役所有上件兵士  
萬人隸步軍司應緣修城役使犯杖罪以下即令提轄  
修城所斷遣內條雖杖罪合干追照即送步軍司斷遣  
每五百人仍許奏選殿直以下至殿侍一人部役九月  
七日廢罷監牧司馬監兵士五千人以二千人充在京

新置廣國四指揮專隸修完京城所工役於京城四壁  
置營三千人添置府界保忠六指揮於陳留雍丘襄邑  
置營候修京城畢其新置保忠指揮額數即行撥併仍  
隸步軍司非有宣命不得差使所有請受並依保忠例  
支給是年造睿思殿九年二月改正南南河門曰景風  
南博曰亨嘉鼓角曰阜昌正北北河門曰安平北博曰  
耀德正東冠氏門曰華景冠氏第二重曰春祺子城東  
曰泰通正西魏縣門曰寶城魏縣第二重曰利和子城  
西曰宣澤門曰宣澤東南南朝城門曰安流朝城第二重曰巽齊西  
南觀音第二重曰靜方上水關曰善利下水關曰永濟  
內城初置北門曰靖武六月十六日詔在京舊城諸門

并汴河岸角門並令三更一點閉五更一點開十年九月十八日提轄修完京城所言准詔令御書院書寫外城諸門牌額今汴河上流兩岸南北水門並曰大通有此相犯詔北門改曰宣澤又汴河下流南水門舊曰上善改曰通津十月四日提舉修完京城所言五丈河上流咸豐門南水門未有名額詔以永順為額是年改文殿南門曰端禮左右長慶隔門曰左右嘉肅安樂門曰含和崇仁殿北橫門曰通極拱宸門裏西橫門曰臨華東華門曰北新門元豐元年十月六日重修都城訖功詔知制誥直學士院孫洙誤記刻石南薰門上洙卒改命知制誥李清臣城周五十里百六十五步高四丈廣



五丈九尺外距隍空十五步內空十步自熙寧八年九月癸酉興工以內侍宋用臣董其事役羨卒萬人剏機輪以發土財力皆不出于民初度功五百七十九萬有奇至是所省者十之三十一月十四日賜度僧牒千為修治都城諸門瓦木工直之費十二月二日提點修治京城所言修治畢功壕寨人等乞酬賞詔隨功力輕重轉資減年支賜有差八月開封府請修治京城四壁留十步以墻為衛外容車馬往來詔七步外築墻留五步為路其官私屋有礙者免拆止據見今地五步外築墻留五步為路二年造承極殿并殿前亭二及殿東小石池一三年五月十三日詔賜內東門重進食門曰會通

九月廢舊城明殿坊入景靈宮四年四月四日承議郎胡宗炎言庚夷門山在大東內北當少陽之位為都城形勝之所國姓王氣所在公私取土於此岡阜漸成坑塹伏望禁止及填塞握鑿處司天監定如宗炎所言從之五年十二月十八日詔在京新城外四壁城壕開濶五十步下收四十步深一丈五尺地脉不及者至泉止是年延福宮造神御殿曰燕寧以奉仁宗慈聖光獻皇后御容六年正月八日詔開新城四面壕移毀公私舍屋土田委楊景畧估直給之或還以官地其官營房及民墳寺舍責京城所管認撥移修蓋二月三日詔給度僧牒千修京城水門五月十三日尚書刑部言切聞京

城諸門或不以時啟閉公私或以廢事欲新城門並以  
日初出入時為準委開封府檢察從之閏六月五日權  
開封府推官祖無頗言準詔提舉京城所度量京城裏  
壁四面雜城三十步妨官地民屋按圖標撥內稅地及  
屋參驗元契時價以聞除官屋地不估百姓屋地百三  
十家計直二萬二千六百緡詔集禧等觀當拆修屋令  
京城所管認其餘官屋令將作監拆修民屋價辦令戶  
部以撥馬錢給九月十三日提舉京城所言先准朝旨  
發夫開新城外壕候興役令開封府界提點司與提舉  
京城所官同提舉勘會本所見檢計分放工料難更同  
提舉緣今夫役近在輦轂之下全藉鎮撫欲望差管軍

臣僚都大提舉詔開封界發夫五萬人仍差權開封府推官祖無頗提點開封府界諸縣鎮公事范岫殿前都虞候苗授都大提舉編攔十月十六日上批來春開封封府界起夫五萬開城壕宜令二月朔入役庶日景長工力易辦兼於農事未致失時七年六月二十四日賜專一主管製造軍器所度牒千五百買木修置京城四御門及諸甕城門封築圍敵馬面并給役兵官吏食錢七月廢善利永濟關八年哲宗即位未改元五月十四日府界提點范岫侍衛親軍步軍副都指揮使苗授開封府推官王同老坐開京城西壁等壕虧空擅令人出備夫錢等第罰金哲宗元祐元年正月十二日工部言京城四

壁城壕止以廣固人兵漸次開修更不差夫從之十二月二十四日中書省言提舉京城所奏修治京城所元管大小使臣二十七員今相度可以廢罷四十七人存留一十員管勾事務並乞不拘常制踏逐指名抽差各與通理三年為一任從之八年十二月十七日詔雪寒應在京工役去處自今月十八日後放假三日紹聖元年正月八日尚書省言提舉京城所奏增築京城訖工詔官吏役兵比類賞之閏四月十六日中書侍郎李清臣言奉詔命臣以元豐二年進撰重修都城記重行校正緣已經神宗皇帝御覽自是敘述一時之事其後增修自可別命詞臣撰述從之仍令提舉京城所別具增

築京城制度旨差官撰文相對立石五月十八日提舉  
京城所奉詔具修築京城制度以聞詔翰林學士蔡卞  
撰詞并書九月六日三省言有旨以李清臣先撰都城  
記於南薰門上立石差翰林學士蔡卞書詔仍令卞篆  
額二年四月二日宣和殿成初哲宗以睿思殿先帝所  
建不敢燕處乃即睿思殿之後有後苑隙地僅百許步  
者因取以為宣和殿焉宣和殿者止三楹兩側後有二  
小沼臨之以山殿廣袤纔數丈制度極小後太皇太后  
垂簾之際為臣僚論列遂毀拆獨餘其址存焉及徽宗  
親政久之宣和於是旋復徽宗亦踵神宗哲宗故事晝  
日不居寢殿又以睿思時為講禮進膳之所乃皆就宣

和燕息大觀二年既再繕葺之徽宗乃親書為之記甚  
詳而刻諸石及重和元年議改號因即以為宣和元年  
乃改宣和殿為保和殿者宣和之後殿重和元年所  
也三年六月十八日詔及暑熱在京工役可給假三日  
徽宗建中靖國元年三月九日詔顯謨閣為熙明閣三  
月十八日詔管勾御藥院閻守勲以見存材植製造防  
城之具初元豐中城京師樓櫓之類咸極攻堅所儲莫  
非良材至元祐嘗罷之以其材他用上令守勲檢校猶  
不乏故俾終其功崇寧五年二月二十六日詔曰朕荷  
天右序男女僅五十人垂休無窮以次成立建第築館  
指日有期而京師居民繁夥居者櫛比無地可容深慮

移徙居民毀徹私舍久安之衆遽棄舊業或至失所言  
念赤子為之惻然可令有司度國之南展築京城移置  
官司軍營將來繕修諸王外第與帝姬下嫁並不得起  
移居民政和二年五月十六日詳定九域圖志所言今  
來興仁府輔郡既以東字為別即鄭州輔郡亦合依此  
以西字為別潁昌開德府合冠以南北輔兼延安等五  
府屬縣已依本所申請罷稱次赤畿即四輔所治縣自  
合正名次赤餘縣合為次畿所貴格法從一從之四年  
八月三日詔改端明殿為延康殿五年四月十日詔秘  
書省殿以右文殿為名八月十二日詔秘書省移於他  
所以其地建明堂八年十月六日詔宣德門改為太極



之樓重和元年正月二十五日詔復依舊名宣和二年  
二月一日詔宣和已紀年號殿名易為保和殿三年二  
月二十九日承議郎樊渚奏竊觀神宗皇帝熙寧間詔  
有司鑄都城諸門銅符契依法勘同復命樞密院約舊  
制更造銅契中刻魚形識之各分左右給納以戒不虞  
而啟閉之法嚴於舊矣元豐初重修外城僅五十里增  
卑培薄屹然崇墉遺國家萬世之業顧不偉哉比年以  
來內城頽缺弗備行人躐其顛流潦穿其下屢閱歲時  
未聞有修治之詔則啟閉雖嚴豈能周於內外得不為  
國軫憂欲乞特降緡錢付之有司遴選能吏鳩工董役  
役俾郭宏麗實帝居無窮之賴詔差都水使者孟楊

提舉修治六年十二月四日中書省言專切提舉京城  
所狀奉詔塲築京城開撩壕河修葺諸門等可於宣和  
七年選日下手今據本所選到宜用來年二月二十四  
日巳正四刻後丙時並先自京城西南角坤位下手吉  
從之

此段雙行注  
第十六頁第  
十一行知制誥  
李清臣

等靖臣記之曰以三歲之績易數百年固循之陋崇墉  
迄然周五十里一百六十五步橫度之基五丈九尺高  
度之四丈而埤堦七尺堅若埏埴直若引繩惟我汴京  
氣象宏偉平廣四達岡阜繚轉隱磷地中若龍盤虎伏  
睨而四據濁河限其北漕渠貫其內氣得中和王號沃

衍霏煙屯雲映帶門闕望之者知其為天子之宅周世  
宗廣而新之逮此百二十有五年聖主營於無為圖于  
弗用取美卒共其力兵不踰一萬分部者六板幹迺遷  
春鍾貫序創機輪以登土為鐵䟽以固溝塋于兩方環  
于四決度功五百七十九萬有奇所省者十之三其作  
怡然其成裕然人不及討士不及議而城以全新奏矣  
又以材易八門崇端顯嚴遂與城稱其外趾跨隍百一  
十有五步聖授其美士薦其能

宋會要

西京雜錄

景德二年八月十三日以將朝陵詔西京八作司修葺大內及諸司廨舍四年二月二十一日詔曰國家經制動著於典常殿闥規模上符于天象緬維列祖嘗幸舊都修宮闕以未成正名稱而靡暇今因巡省周覽禁庭縣示于人題號非便須從改作用藝章其明堂殿前三門改為太極門其諸殿諸名號宜令崇文院檢討詳定以聞大中祥符四年三月十四日祀汾陰迴駐蹕將賜酺有司請改五鳳樓名以彰慶宴詔以太祖建樓因瑞應立名不可更也仁宗景祐元年九月十五日宰臣王曾言西京水南地里闊遠居民甚多並無城池望令新

興

次修築詔知河南府李若谷計度興築神宗熙寧二年  
十月十六日京西轉運司言西<sub>京</sub>大內損壞屋宇比舊  
少四千餘間矣乞于春首差中使一員計會留守司通  
判檢定<sub>離</sub>修每二間折<sub>瓶</sub>修之數一間詔令通判檢定  
本京修<sub>葺</sub>轉運司提舉四年二月十一日詔京西轉運  
司每年撥錢一萬貫買材木修西京大內元豐七年七  
月四日尚書工部言知河南府韓絳乞修大內長春殿  
等欲下轉運司支歲認買木錢萬緡從之十日知河南  
府韓絳言近被水災自大內天津橋堤堰河道城壁軍  
營庫務等皆傾壞聞轉運司財用匱乏必難出辦役兵  
累經剗刷府官職事繁多欲望許臣總領賜錢十萬緡

選京朝官選人使臣各三五人與本府官分頭補治乞  
發諸路役兵三四千人詔<sup>特</sup>運司與<sup>於</sup>經費餘錢支十萬緡  
令沈希顏往來與韓絳同提舉營葺及選使臣三五員  
役兵于本路剗刷二千人如不足即雇工徽宗政和三  
年十二月三日詔見修西京大內竊慮亂有採伐窠木  
損毀古跡去處仰王鑄覺察以聞違者以違御筆論四  
年二月十四日詔西京大京近降指揮補飾添修或聞  
官有計度甚失本意如實顏杞朽腐方許整葺不得過  
侈<sup>以上續因</sup>  
朝會要

宋會要 南京

真宗景德三年二月詔曰睢陽與區平臺舊壤兩漢之  
盛並建於戚藩五代以還荐升于節制地望雄于征鎮  
疆理接於神州實都畿近輔之邦乃帝業肇基之地恭  
惟聖祖誕慶鴻圖爰於歷試之初兼領元戎之寄謳謠  
所集符命荐臻殆茲累朝俯同列郡式昭茂烈宜錫崇  
名用彰神武之功且表興王之盛宜升為應天府宋城  
縣為次亦寧陵楚丘柘城下邑穀熟虞城等縣並為次  
畿大中祥符七年正月二十九日詔曰睢水名區實一  
方之都會商丘與壤為三代之舊邦形勢表於山河忠  
烈存於風俗惟文祖之歷試蓋王命之初基今者伸款



謁于檜庭既揚茂則徇樸未於竹苑方霈湛恩期克壯  
帝猷碑肇所京邑用志興王之地允符追孝之心應天  
府宜升為南京正殿以歸德為名咨爾都民承予世德  
慶靈所佑感悅良多二日一日詔名南京門曰崇禮雙  
門曰祥輝外西門曰迴鑾三日以主客郎中知應天府  
馬元方兼南京留守司事合置官屬名目下審官院流  
內銓一如西京之式三月十三日詔名南京城大東門  
曰昭仁小東門曰延和小西門曰順成北門曰靖安新  
隔門曰承慶仁宗慶厯五年九月十八日置南京留司  
御史臺

懋

仁宗慶歷二年五月詔曰相邑設都所以因地形之勝  
省方展義所以考民風之宜乃眷魏邠實當河麓席萬  
盈之懿兆冠千里之上朕隱然北門壯我中夏洪惟聖  
考順駐璇輿宮館並存威靈如在緬懷凝烈有述于孝  
思嘉慰猷來敢忘於時邁載恢舊制崇建別京茂昭善  
繼之猷乃與維新之澤大名府宜居為北京先朝駐蹕  
行宮正殿以班瑞為名其修葺行宮屋宇並給官錢毋  
得科率六月十七日以樞密副使右諫議大夫任中師  
為修建北京使翰林學士尚書禮部郎中知制誥史館  
修撰蘇紳為修建北京副使七月十二日以北京行宮  
門為順豫八月十七日出內藏庫緡錢十萬修北京行

宮閨九月一日詔比建北京以備巡幸其供擬之物宜  
令有司辦置毋或擾民三年二月六日北京行宮便殿  
為靖方七年六月二十一日置北京留守司御史臺神  
宗熙寧八年十二月九日賜內外城門名南河門曰景  
風南博門曰亨嘉朝城縣門曰安流朝城羅門曰巽齊  
冠氏門曰華景冠氏羅門曰春祺上水關曰善利北河  
門曰安平北博門曰耀德魏縣門曰寶成魏縣羅門曰  
利和觀音門曰安正觀音羅門曰靜方下水關曰永濟  
左右四廟凡二十三坊永寧延福靖安惠安宜春敦信  
安仁善化七賢大安德教宜春崇化三市普寧廣利長  
樂景行景明鳳臺延康福善保安

宋會要

行在所

臨安府

舊係京都雜錄自建炎以來車駕巡幸至紹興八年駐蹕臨安為行在 高宗建炎元年五月二日詔江寧府修建景臨靈宮諸帝共作一殿諸后共作一殿 六月一日詔已降指揮令永興軍襄陽府江寧府准備巡幸仰逐處守臣營葺城池建置宮室官府務從簡易不得搔擾以近使州郡神霄宮并空閑提舉廨舍之類撥移逐路漕司及提舉常平司錢物應副如不足具數申尚書省三日詔潛邸以升賜宮為名 七月十三日詔權時之宜法古巡狩駐蹕近甸號召軍馬以防金人秋高氣寒賊來入寇朕親督六師以援京城及河北河東諸

路與之決戰已詔迎奉元祐太后津遣六宮及衛士家屬置之東南朕與群臣將士獨留中原以為爾京城及萬方百姓請命于皇天庶幾天意昭答中國之勢變疆歸宅故都迎奉二聖以稱稱朕夙夜憂勤之意應在屯兵聚糧修治樓櫓具器並令留守司京城所戶部疾速措置施行 九月七日詔將來巡幸駐蹕楊州可行下知揚州呂頤浩修治城池差膳部員外郎陳充幹辦頓遞行宮一行官吏將佐軍兵安泊去處虞部員外郎李儔幹辦舟船并樁辦糧草發運使李祐淮南轉運使李傳正並差隨軍轉運使 十日手詔荆襄關陝江淮皆備巡幸並令因舊就簡無得搔擾凡巡幸所過與所止

之處當使百姓預知朕飲食取足以養體氣不事豐美  
亭傳取足以庇風雨不易卑陋什器輕便不求備用供  
帳簡寡不求備儀可齋以行皆無取於州縣橋梁舟楫  
取足渡濟道路毋治官吏毋出一切無所追呼隨從臣  
寮皆體朕意有司百吏敢搔擾者重寘于法唯是軍馬  
芻糧必務豐潔將士寨棚必令寬爽官吏無得少懈部  
使者皆朕耳目之官違戒勅而不上聞者與同罪若  
自為搔擾罰更加重仍許民戶越訴 二十二日詔暫  
駐蹕淮甸庶使四方有警皆易應換除河北河東已相  
繼發兵及京師已應副綱運并委措置防拓外可分留  
精兵科撥錢物于應天拱泗州等處防守應合行事務

令三省樞密院同共措置今來巡幸幸應科撥舟船分  
定帶行及存留官吏數目措置賞罰違發先後次序般  
載圖籍文案戶部錢物及準備隨行支遣之物中嚴斥  
候通報平安止絕官吏迎離任迎謁關防偽冒覺察姦  
細掩襲盜賊拘截逃亡批文口券食錢預行下沿路實  
支數目供辦置買飲食數目關防一切搔擾申嚴沿邊  
及近地防守措置并創置控扼督責征誅等並令三省  
樞密院別措置行下是日又差漕臣黃敦書專切隨軍  
應副錢糧差提刑高士瞻專切隨軍應副鄉兵弓手之  
類所用錢糧人兵器甲等全籍諸處同力應副方可辦  
集竊慮故有阻難移文牽制不即應副其合干人並許

追赴行司便宜行遣官員奏劾或一面送官司根治所  
辟官請給人從並依新任文破與理為在任月日仍破  
驛券遞馬不許受諸州送饋自被受公文限一日起發  
不得託故 同日三省樞密院言車駕巡幸駕船人兵  
令工部取會座船綱逐船依料數除樺梢外合用駕船  
人兵實數欲下都統制官於諸軍內選差東南及牙兵  
撥充其軍兵更番所乘舟船并逐船官吏下自有人從  
共二十人已上者已並不差從之 二十七日都省言  
車駕巡幸進發日已定竊慮行在及東京百司官如擅  
離職守詔見今行在及東京百司官如擅離任所並追  
官勒停根捉就本處付獻根勘令刑部疾速施行 二



十八日詔川陝成都京兆府京西襄鄆州荆湖潭州荆  
南府江淮江寧府揚州仰逐路漕臣積聚錢糧帥守修  
治城壘宮室官舍以備時巡省觀風俗務從儉約勿致  
擾擾 二年二月十一日東京留守司遣委開封府判  
官專管使院公事范世延開封府左推官鮮于繪齋捧  
在京士庶表章恭請聖駕并進呈修城開壕一切了畢  
圖本詔令閣門引見上殿 三年二月十三日車駕至  
杭州以州治為行宮以顯寧寺為尚書省 十四日車  
駕初至杭州霖雨初至執政葉夢得奏事畢因言州治  
屋宇不多六居宮居必隘窄且東南春夏之交多雨蒸  
潤非京師比上曰亦不覺窄但早濕爾然自過江百官

六軍皆失所朕何敢獨求安今寢處尚在堂外當俟將  
士官屬各得所居違徙之人稍有所歸朕方敢入正寢  
二月十六日德音應今來巡幸經過州軍民戶特與  
蠲免今年夏稅以聞車駕經過之後州縣將民間元科  
借物已未足之數高行追納委實搔擾可限指揮到日  
住罷如違許人戶越訴同日德音今來巡幸沿路州  
縣排辦去處備見勤勞仰守臣保明實宣力人當議推  
恩三月一日詔昨金人逼近暫至錢塘每念中原未  
嘗敢忘今據探報賊馬歸回已離揚州錢塘非可久留  
便當移駐江寧府經理中原之事可於四月上旬擇日  
進發應江寧府合預排辦并沿路一行程頓等事有司

疾速施行務要前期赴辦應副諸軍外餘事盡從簡便  
不得搔擾 三日禮部侍郎充御營使司參贊軍事張  
浚言近日鑾輿過平府扈從需索其數尚多欲乞外擇  
臣寮可與經營者數人內侍忠信謹願者一二其餘六  
宮朝廷悉留杭州詔候到江寧府取旨 同日詔金部  
郎中李迨金部員外郎高士佃差主管車駕巡行幸隨幸  
行左藏庫錢物官兩浙轉運副使劉誨差主管車駕巡  
幸錢糧官 同日知常州周杞言車駕巡幸到州臣逐  
急權就倚郭武進縣治事緣州衙係御座之處未敢擅  
便遽入詔除曾經安設御座御榻之處外餘並賜依舊  
作州衙其餘沿路州縣及今後巡幸去處並准此 二

十八日詔曰國家歷運中微千戈未弭因時巡省益順  
權宜以江寧府王氣龍盤地形繡錯據大江之險茲惟  
用武之邦當六路之衝實有豐財之便將移前蹕暫佳  
大邦外以控制於多方內以營經乎中國尚慮有司排  
辦過於奉承百姓追呼疲於道路儻齊民之或擾豈非  
德之敢安將來巡幸公路州郡及兩浙路江東監司江  
寧府不得分毫騷擾以安人心 五月八日車駕至建  
康府駐蹕於神霄宮 六月十二日上諭宰臣曰得鎮  
江奏報十日皇太后進發出鎮江府門遇雨復回次第  
來日須到朕當躬往迎接既已定日雖遇雨亦不宜住  
蓋沿路州縣頃進衛士飲食之類既已排辦若滯留一

日則入康寧殿候朕前日自鎮江來塗中雖遇雨亦不曾住來日郊迎太母已令備辦雨具卿等可詣宮觀祈晴朕當降香以往呂頤浩等奉命而退 七月二十八日宰臣呂頤浩等進呈權知三省樞密院前往洪州分掌事件一六部常程依格法事務並從權知三省樞密院官奏行雖非常程而待報不及者亦聽裁決一權知三省樞密院應分遣文書並合通簽一奏鈔並依常式修寫繫宰執階位注隨行在其權知三省樞密院官依式簽書一遍下諸路照會行在專總邊防軍馬錢穀差除重事所有其餘細務及官員注擬磨勘功賞舉辟之類並申權知三省樞密院仍往洪州撥下一六曹長貳

郎官或留行在或隨從前去並各仍舊主行本部事務  
其姓名取自朝廷指揮一三省樞密院六房人吏除已  
選充行遣文字外逐房自點檢以下至守闕守宮官並  
從上各存留一半於行在祇應餘並先次隨從前去一  
官告院糧料院審計司官吏分一半各掌行所管事務  
或文書壘併即添差權官一大理寺治獄官吏並留行  
在斷行官吏量留三分之一餘並隨權知三省樞密院  
前去一太常寺已有指揮留博士一員外少卿隨從神  
主前去一存留宗正寺丞及國子監丞外並隨樞權知  
三省樞密院前去一進奏院監官二員一員留行在一  
員合隨從前去其進奏官除存留人外並前去通管諸

路州軍文字一吏部除自來合堂除窠闕外並於洪州使闕一戶部諸路錢米物帛等已有指揮分定路分應副仍令樵貨務都茶場作料次每次印造東南鹽鈔五十萬貫茶引一十萬貫樵貨務都茶場量那官吏前去出賣應副經費支用仍先印鹽鈔五十萬貫隨行一禮部印造度牒並聽行在降敕印造一兵部起發諸路將兵並從行在降指揮一刑部諸路奏案並發赴洪州依條例裁決回報應干帳籍等亦申發前去一工部應合用軍器並聽隨所闕數於洪州及鄰近州軍有作院處製造從之 閏八月二十六日詔巡幸浙西翌日御史臺言今來車駕巡幸一行舟船並於船兩頭木上大寫

字書貼某官及稍工姓名如有不依次序攙先擁開官  
員奏劾稍工處斬從之 二十八日詔鎮江府常州平  
江府秀州并沿路州縣人戶不得關閉店舍賣買專委  
知州措置軍行並令占宮觀寺院廟宇官舍安泊即不  
得亂行拘占居民屋舍如違當從軍法施行隨從除衛  
兵給蒸湖熟肉外更無一毫取買如輒有取覓借索什  
物仰州縣不得應到許諸色人經尚書省陳訴 九月  
二十九日詔朕巡幸所至應什物供帳之具不許於民  
間科配詔旨丁寧誠諭切至訪聞百司耽習須索却成  
搔擾仰尚書省劄下應隨駕百司不得於州縣取索分  
文以上物色如違其監官及當行人吏並坐贓論及私



受贖送者准此 四年二月二日詔温州江心寺賜名

龍翔時車駕至温州駐蹕於寺也 十三日詔令温州

江貼占通寺真菴充尚書六部置局 六月七日大理卿

兼同詳定一司敕令王衣言乞以詳定重修敕令所為

名就用見使印記從之 七月六日詔臨安府宜遷府

治於祥符寺基創建從中書舍人李陵請也 紹興元

年十一月六日三省言徐康國權知臨安府措置移蹕

事務令具到行在百司局所詔宜措置隨宜擗截不得

搔擾仍其已擗截處所畫圖申尚書省八月詔已降指

揮移蹕臨安府可差內侍楊公弼前去與徐康國同指

置擗截行宮務要簡省更不得華飾 十二日都省言

徐康國欲添造共百餘間楊公弼欲造三百餘間比之  
康國數多二百竊慮難以趲辦詔依徐康國措置十  
九日宰臣奏擬截行宮文字上曰面飭楊公弼止令草  
創僅蔽風雨足矣椽楹未暇丹雘亦無害或用土朱亦  
同日襄陽府鄧州鎮撫使桑仲言乞駐蹕荆南以  
係中原之望今劉豫僭于鄆招誘京畿京陝官吏軍民  
乞先下次詔稱鑒輿擇日起發前來中原庶幾人心不  
至搖動此中興不可失之機會詔桑仲所奏備見忠嘉  
荆南東連吳會西徹巴蜀北據漢沔利盡南海自古形  
勢之地止以目今糧道未通已差參知政事孟庾充江  
西荆湖東西宣撫使韓世忠充宣撫副使計置沿路糧

食俟就緒日進發 十二月十四日宰臣進呈臨安府  
有司欲就移近減僧舍以造行宮上曰僧家緣化營葺  
不易遽爾毀拆慮致怨嗟朕正欲召和氣豈宜如此但  
給官錢隨宜修蓋能蔽風雨足矣 二十二日駕車移  
蹕臨安府用米年正月十日登舟十一日進發宿錢清  
鎮十二日宿山蕭縣十三十四日候潮渡江留神武右  
軍統制官劉寶張宗顏兩項人馬收後仍且在紹興府  
駐劄聽候朝廷指揮起發令張俊統其餘兵并中軍扈  
從前去 二年正月二十三日詔比移蹕臨安六宮尚  
留會稽者政不欲增廣行闕重困民力訪聞行在係官  
修造去處甚多可日下並罷自今非得旨而擅役人夫

者令御史臺糾彈以聞時駕車以正月十四日至臨安府 二日六日詔天章閣祖宗神御可先行赴潮汛過江仰臨安府差渡船五隻令巡檢引帶保護過江 七月八日尚書省行宮南門添置樓屋一所已令臨安府修蓋相次了畢所有牌額乞下所屬書寫詔令臨安府書寫仍以行宮之門四字為名 九月二十九日尚書省又言行宮南門修蓋畢工今來太史局選用十月二日欲令百官朝謁出入從之 三年正月十一日都省言江南東路安府撫使無知建康府事趙粹言昨蒙指揮營造建康府行宮事今畫圖在前計工止及六分以上自餘材植不甚少闕所有應干粧染隅截磚瓦人匠

日支錢米之費都未有備昨來住工日見在錢七萬餘  
貫米一千七百餘石已係宣撫使司截使了當朝廷如  
許畢工乞將支過元椿錢米權貨務等處支發應副詔  
委孟庾措置申尚書省 十六日中書門下省奏勘會  
行宮南門裏並無過廊百官趨朝冒雨泥行詔令梁汝  
嘉同修內司官就東廊舊基營蓋 十二月九日詔宮  
牆底小却薄不足以限制內外令修司使相度幫貼砌  
壘其合用工料磚灰具申尚書省四年二月十八日權  
知臨安府梁汝嘉言本府係車駕駐蹕其越城門禁止  
有海行條法竊恐在依在京法禁乞下所屬檢會頒降  
以憑遵守刑部狀檢準律諸越殿垣者絞宮垣流三千

里皇城減宮垣一等京城又減一等諸奉敕以合符夜  
開宮殿門符雖合不勘而開者徒三年若勘符不合者  
而為開者流二千里其不承敕擅便開開者絞若錯符  
下鍵及不由鑰而閉者杖一百即應忘誤不下鍵應開  
毀鍵而開者徒一年其皇城門減宮門一等即宮殿門  
閉訖而進鑰遲者杖一百經宿加一等宮門以外遞減  
一等其開門出鑰遲又加遞減進鑰一等勘會臨安府  
城壁見有摧倒去處竊慮夜有越城作過之人詔越城  
門禁並權依京城斷罪候車駕回鑒日依舊其未修城  
壁仰本路相度置鋪巡防 五年正月十四日詔建康  
府行宮繕本未畢兼城壁損壞亦當修築可委江東帥

臣同轉運判官俞侯隨宜措置置須管日近了畢及省  
部百司倉庫等亦仰跡逐具圖來上務從減省不得騷  
擾時車駕駐蹕臨安府 十九日參知政事孟庾上表  
恭請車駕還臨安府詔荅曰朕夙嚴戎駕底定遘虞小  
次舍于吳門住宅師於建鄴載念江山之勝屢經兵火  
之餘雖有司板築以時并繕官府城池之後顧斯民襁  
負而至尚無邑屋廬舍之依復覽封章力祈還幸見官  
儀而思漢諒南北之一心從仁人而居邠亦父老之誠  
意勉徇來牘暫議回轅想遲警蹕之音益尉羽旌之喜  
可依所請暫回臨安府駐蹕戶部侍郎兼權知臨安府  
梁汝嘉率本府父老僧道士庠上表迎回車駕是日賜

臨安府官吏軍民等詔書曰朕萬騎時巡方圖遠略九  
廟未復其敢奠居比臨江上之師覲矜目中之虜遂頒  
前詔暫議還轅汝等並傾向日之心咸起望雲之意有  
嘉愛戴諒慰忠忱 二十七日詔令御史臺主管禁衛  
所取見內外百官司船隻數目逐船各給旗號分明書  
寫某官司舟船依圖見本先後資次擺泊如將來撓先  
行船或無官給旗號其棹梢徒三年在禁衛內依紹興  
四年十一月十一日已降指揮官員奏劾所有旗號合  
用黃絹據的實數目令戶部支給仍令文思院限三日  
製造 二月一日平江府言昨排辦府治充駐蹕行宮  
本府欲候進發日將行宮封鎖輪差兵官看管祇備將



米車駕回鑾駐蹕詔賜平江府依舊充府治時駕車欲以二月三日自平江府進發回臨安府 六年八月二十一日閣門言准禮部關選定進發吉期日得旨用九月一日契勘之車日係朔日遙拜詔權免時車駕自臨安府進發是日應事侍從官並從駕 九月四日詔御舟至平府止於水門外進輦可行下本府更不拆門 十日樞密院言今米車駕巡幸親撫六師竊慮四方傳聞不一別致疑惑詔令諸路帥首監司散出文榜分明告諭軍民通知仍多方措置彈壓盜賊務要境內肅盡靜毋致紛擾生事 七年正月二日中書門下省言將來車駕巡幸建康其扈從一行沿公路合用錢糧之類

並係隨軍轉運職事無經由東陽下蜀兩處程頓合與  
本路漕司同共措置及營繕行宮將見就緒亦當因便  
檢點詔令梁汝嘉躬親起發前去催促應辦仍約束經  
由州縣不得已以應副巡幸為名因而騷擾如違按劾  
以聞 七日詔建康府營繕行宮務從省約不得華侈  
仰葉宗諤等具知稟狀聞奏 三月三日都督府言今  
來車駕巡幸建康府其沿江津渡渡合行關防檄察詔  
權依黃河法候遘事寧息以依舊 七日詔巡幸建康  
府出陸日天氣稍愜應庖臣從審許戴涼笠同日詔巡  
幸至建康駐蹕依例作歇泊假三日 六月二十六日  
宰臣奏蒲賈孔子乞駐蹕江陵上曰荆南形勝吳蜀必

爭之地朕嘗見杜甫望幸詩云地利西通蜀天丈北照秦風煙含越鳥舟楫控吳人可知其為要地宜諭王庶益濬治城塹招徠流移練兵積粟為悠久之計宰臣張浚曰庶在荆南頗有治行元係雜學士猶未復舊職上曰可還舊職悉心府事八年正月十一日上諭輔臣曰將來幸浙西建康諸宮屋宇及百官廳舍皆令有司照管他時復幸免更營造以傷民力臣趙鼎等奏曰已令建康府拘收且言若虜人遂以大河之歸我當且駐蹕建康上曰群臣上殿多論建康都事蒲贊謂當擇險要之地勾龍如淵謂當修德而不在險以二人之論校之如淵為勝矣十四日詔復幸浙西已定二月七日

進發差楊沂中充車駕巡幸總領彈壓一行事務 三  
月詔昔光武之興雖定都於洛而車駕往返見於前史  
者非一用能奮揚英威通行天討上繼隆漢朕甚慕之  
朕荷祖宗之休克紹大統夙夜危懼不常厥居比者巡  
幸建康撫綏淮甸既已申固邊圉獎率六軍是故復還  
臨安內修政事繕治甲兵以定基業非厭霜露之苦而  
圖宮室之安也 九年正月二十二日修內司承受提  
轄王晉錫言奉旨於內中修蓋皇太后殿門廊一所今  
踏逐直華內省事務承慶院屋宇地步可以修蓋詔依  
合用工料令臨安府應副 十一月八日上親書慈寧  
殿四字并臣名恭書四字降下本司造牌擇日安掛

四月二十九日中書舍人李誼言臨安府奉迎兩宮到  
行在設降舟幄就餘杭門外北郭稅務亭排辦有旨於  
前路迎接臣見陛下念親之深朝夕拳拳之意然前路  
奉迎未知所止何地若去城差遠勢須索頓則千乘萬  
騎未易輕動如或省節儀衛又非所以嚴警備漢文帝  
即位之初太后在代止是遣車騎將軍薄昭往迎唐明  
皇自蜀歸至咸陽距長安無四十里而肅宗始備法駕  
迎於望賢宮今兩宮既還陛下致天下之養永永未已  
其承顏之樂豈較一日之遠哉欲望止於近處陳設幄  
次以為奉迎之備庶可朝出夕歸於事理為稱詔依仍  
令臨安府於前路祇備迎接 十月三十日昭宣使忠

州防禦使入內侍省押班陳永錫言修蓋皇太后殿  
宇門廊并創造到鋪設什物簾額等一切了畢詔陳永  
錫特轉行一官於使額上轉行王晉錫邵諤並轉行選  
郡刺史第一等各轉行一官更減一年磨勘第二等各  
轉一官第三等各減三年磨勘內白身人並候有名目  
或出職日收使兵匠第一等各支錢一十二貫第二等  
各支錢一十貫第三等并在外津般交撥官物財植等  
兵級和雇作家甲頭工匠各支錢八貫並令戶部支給  
十二年三月八日詔令臨安府於城內擇地依禮制  
建築社稷壇壝并修蓋行事官致齋所亦隨宜修蓋  
八月二十三日詔今月二十一日進發登州奉迎皇太

后應從駕諸班直天武親從親事官親兵軍兵將校并  
諸色祇應人失儀落馬拽斷圍子排立交牙趕隊不上  
損壞儀仗軍器等衣甲器械等並特與放罪仍免估剥  
陪償 十一月十二日提舉修內司承受提轄王晉錫  
言依已降指揮同臨安府將射殿修蓋兩廊并南廊殿  
門作崇政殿遇朔望權安置幕帳門作文德紫宸殿及  
將皇城司近北一帶相度修蓋垂拱殿今具撥移諸司  
屋宇共二百四十七間乞依畫到圖本修建從之 十  
四日提舉修內司承受提轄王晉錫言依已降指揮修  
蓋廊舍合用兩朵殿乞一就修蓋從之 十二月十二  
日詔太學養士權於臨安府府學措置增展所有府學

先次別選去處建置其增長屋宇約可容生員三百人  
齋舍并官吏直舍等並臨安府措置修蓋 十三年正  
月十五日知臨安府王煥言踏逐得錢塘縣西岳飛宅  
子地步可造太學并國子監從之同日詔禮部太常寺  
同共討論祿壇方位置度既而檢會到國朝禮例郊祿  
壇在國子東南昨緣車駕駐蹕東南臨安權於前湖門  
外惠照院照宮齋設位行禮今欲臨安府於行宮東南  
城外踏逐去處隨宜修建取近就寺觀充行事官齋舍  
從之以太常博士劉燦有請也 十三年二月二十五  
日殿前都指揮使楊存中等言相視都圓壇地步今於  
龍華寺西空地得東西長一百二十步南北長一百八



十步修築圓壇除壇及內壇丈尺依制度用九十步外  
其中壇外壇欲乞隨地之宜用二十五步分作兩壇外  
有四十步若依前項地步修築其兵部車輅儀仗殿前  
司禁衛皆可以排列兼修建青城并望祭殿委是可以  
圖備從之閏四月一日上諭宰臣曰祖宗時殿宇皆赤  
土刷染飾以桐油蓋國家尚火德也兼弊則易修後未  
多用朱紅漆所費不貲且難於修整秦檜等奏曰此有  
以見陛下述祖宗之儉德也 三月十三日詔景靈公

宮萬壽觀

成差權吏部侍郎江邈詣温州迎奉神御詳

見本門

八月二十五日大理寺臣吳鏞言伏自車駕駐

蹕東吳城壁仍舊未暇作改近日創建前殿肇親典禮

每遇朝會宰執百緣朝在城之外遂自五鼓後啟外城  
二門之鑰不惟密爾皇城而又迫臨江渚富商大賈風  
帆海舶往來之衝豈所謂九重嚴遠君門萬里之義乎  
乞下所屬措置若城外朝路難以移改祇於朝路之外  
東量添城壁免致未旦啟鑰詔於臨安府措置申尚書  
省 十二月二十二日兩浙轉運司言准尚書省劄之  
子踏逐去處重建祕書省今西河坊糯米倉巷西街北  
殿前司營寨地步寬廣可以建造從之 十四年七月  
二十七日詔景靈南宮壁舊草場見今空現閑地步擬  
入景靈宮 十五年八月二十八日入內侍省東頭  
供奉官王晉錫言神遇殿遇旦望節序生辰駕遇酌獻

行香御路窄狹欲於射殿東修蓋神御殿一座告遷安奉委是穩便所有土工人匠材料乞下臨安府應副同共修造從之 十七年十一月一日詔太一宮令兩浙轉運司修內司同共修建詳見本門 十八年三月十四日學士院撰到皇城南門名曰震正北門名曰和寧從之 五月十六日詔將太一宮齋殿後空地修蓋景靈宮道院 六月十八日詔臨安府於國城之東擇桑壇地建築九宮貴神壇壝 八月五日詔大理寺刑獄所在與景靈宮太一宮相近可令臨安府擇空地移置別處仍將舊基撥入景臨宮 二十一年九月二十一日詔景靈宮令轉運司修內司同供檢計拆韓世忠宅作

圖本添建合用錢米令戶部支給 二十二年六月二

十七日詔將故韓世忠宅東位地步見在門廊屋宇并  
景靈宮退村令轉運司修內司同共修蓋左藏庫南省  
倉聽逐處指引造作 十一月十三日詔顯應官觀可  
令兩浙轉運司於西湖靈芝寺空地修建須管日近了  
畢 二十四年二月一日詔震正外東壁有修內司空  
地仰殿前馬步三司各差輜重軍兵一千人就用見在  
場土打築入皇城門 九月二十五日禮部言准勅討  
論天章等閣制度檢國朝會要即不該載欲乞置天章  
等閣一所同共修蓋 十一月三日詔臨安府修內司  
修蓋天章等閣了畢第一等轉行一官仍減二年磨勘

第二等轉一官第三等減三年磨勘 二十六年正月  
九日兩浙轉運司修蓋到執政府三位詔東位魏良臣  
中位沈誼西位湯恩退並令遷入二十八日詔令兩浙  
轉運司修內司將都省北舊府第修蓋左右相府第兩  
位二月五日詔行在太醫局已降指揮修蓋所有塑像  
并什物等令兩浙轉運司應副置辦 六月十八日入  
內內侍省東頭供奉官幹辦萬壽觀陳思恭言萬壽觀  
在京日有皇帝本命殿每遇聖節本府降聖三元等節  
修設清醮祝延聖壽今來本觀有南扶殿一座空間欲  
依在京日建置以純福殿為額隨宜設置本命所屬星  
官位牌焚修香火從之 七月十二日詔兩浙轉運司

見修蓋。豐儲倉當此暑月，工役不易，候農隙十月以後興工。及內外別有修造去處，並權住。二十七年九月十八日，尚書省言：乞將六部門移就三省都門內出入。却移都門向外，起蓋從之。十月二十二日，尚書省言：近將官告院地步展修六部權移本院於望山橋置司。今來六部修蓋畢，工乞將官告依舊遷歸六部從之。十二月四日，詔知臨安府張倅除直敷文閣，尚書都官員外郎楊傑興轉一官，更減二年磨勘。其餘官吏各轉官減一年磨勘。有差，並以修蓋六部畢工推恩。二十八年六月三日，詔皇城東南一帶未有外城，可令臨安府計度工料，候農隙日修築，具合用錢數申尚書省於

御前支降今來所展地步不多除官屋外如有民間屋宇令張偁措置優恤七月二日殿前都指揮使楊存中言降下展城圖子令臣相度臣看詳所展城離隔牆五丈街路止闊三丈只是通得朝馬路今乞更展八丈通一十三丈以五丈作街路六丈令民居將來聖駕親郊由候潮門經從所展街路直抵郊臺極為快便展八丈地步十之九是奉司營寨教場其餘是居民零碎小屋若築城畢工即修蓋屋宇依舊給還民戶居住委實利便詔依差戶部郎官楊俊同知臨安府張偁計料修築張偁楊俊言今相視合修築五百四十一丈計三十餘萬工用磚一千餘萬片磚灰二十萬秤監修壕寨監作

收支錢米物料部役等官並於殿前司差撥外所有計  
置般運物料受給官等乞從臣等選差日支工食錢監  
修官欲置一貫二伯文壕寨官一貫文監修收支錢米  
部役計置般運物料受給官八伯文作家六伯文諸作  
作頭壕寨五伯文米二勝半工匠三伯五十文砦手三  
百丈雜役軍兵二伯五十文各米二勝半行遣人吏手  
分各三百丈貼司各二百丈已上並自興工日支單工  
日住其興工畢工塹砌每及二百丈乞從臣等參酌稿  
設今來所展城闊一十三丈內二丈充城基中間五丈  
充御路兩壁各三丈充民居所展民屋六丈基址內有  
可以就便居住之家更不拆移所有合拆移之家如自



已屋地今已踏逐側近修江司紅亭子等處空閑官地四十餘丈許令人戶就便撥還內和賃房廊舍候將來蓋造却依元間數撥賃其新城內外不礙道路屋宇依舊存留竊慮小人妄說於標竿外拆移人家扇惑居民合行約束所有拆移般家錢除官司房廊止支賃錢戶外百姓自己屋地每間支錢一十貫文賃戶每間五貫文業主五貫文除已出榜曉諭候見實數支給從之九月九日詔近修垂拱三殿已畢工知臨安府張洵特轉一官餘人等第推恩 二十二日措置修城所言與勘新城添置使門今欲移用利涉為名所有舊利涉門係於園牆大路修蓋乞別立門名詔新南門可名嘉會

門 二十四日詔垂拱殿等處修蓋了畢除臨安府官吏等已推恩外其修內司官吏兵匠可取索人數等第推恩 三十年正月六日閣門言四孟朝獻車駕詣景靈宮行禮所有殿門外宰執親王使相待班閣子令貼定合擬截并添置門戶閣子圖本乞下臨安府依圖擬截從之 三十二年六月四日詔行在望仙橋東新葺宮室以德壽宮為名 孝宗乾道七年五月十三日詔行在宮門以西舊隔城通內軍器一庫增造庫屋十間改築土牆并將南庫門築合止留舊北庫門出入 九年正月九日詔後殿門係駕入出經由門戶其屋宇低小入出妨礙令工部委官計會修內司照輦院合用高

低丈尺相視計料重別修蓋 十二月二十一日試尚  
書兵部侍郎兼知臨安府沈度言本府車駕駐蹕之地  
其周回禁城昨因今歲梅雨損尤七十二處計五百九  
十五丈分委官相視檢計約用甄灰木植物料工食錢  
九萬五千餘貫委官自德壽宮東城修砌周回城壁一  
切工畢詔官吏等第推恩

續宋會要

淳熙二年十一月二十八日詔殿前司修內司臨安府  
轉運司修蓋射殿殿門隔門并皇太子宮門已畢工殿  
帥王友直提舉修內司甘昇提轄修內司楊皓臨安府  
守臣趙彥操兩浙漕臣趙蟠老各轉一官減三年磨勘  
其餘官屬第一等轉一官資第二等減三年磨勘第三  
等減二年磨勘礙止法人特與轉行白身人有名目日  
收使餘並倍支犒設 三年八月十六日詔修內司臨  
安府修蓋重拱殿畢工其應辦官吏第一等各與轉一  
官資減二年磨勘第二等各與轉一官資 六年四月  
二十四日知臨安府吳淵乞擇日蓋造後殿上曰朕止

欲令修而左右皆以此殿年深木植有損朽處多不可  
不蓋造至七月詔工詔知臨安府轉一官修內司提舉  
官轉一官減四年磨勘其餘官吏等第推賞八年八  
月十二日詔以後殿擁舍改作延和殿九年三月二  
十四日詔射殿年深損壞未須折蓋且令隨宜抽換既  
而臨安府臣趙礪老言若行折蓋比之抽換所添工物  
不多欲量行蓋造從之十五年九月二十一日詔新  
修蓋皇太后宮殿以慈福宮為名十六年正月二十  
八日詔德壽宮改作重華宮嘉泰二年八月十八日  
詔令修內司於大內計料修蓋壽慈殿恭請太皇太后  
還內